



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 46. Clodoveus baptizatur.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

*Christe, quem Clotildis mea dicit esse Filium Dei viventis, tuum imploro auxilium! si mihi tribuis Victoriam, credam in te & in Nomine tuo baptizabor. Invocavi Deos meos, sed impotentes experior. Jam te in open compello. Volo tibi servire. Libera me modo ab hostibus meis.* Clodoveo in hunc modum orante, Allemanni terga vertere, & in fugam se dare. Mox ubi Regem suum in acie occisum viderunt, omnes deditionem fecerunt, vitæ gratiam poscentes. Memorabilis victoria Clodovei anno 15. Jesu Christi 496. reportata est.

Sæculum V.  
A.C. 496.

## §. XLVI.

*Clodoveus baptizatur.*

Clodoveus ab hoc Bello revertens, cum in urbem Tullensem divertisset, inde S. Presbyterum accepit, Vedaſtum, seu Vastum nomine, ab aliquot jam annis in solitudine degentem, qui ipsum in via fidem docuit, & ad recipiendum Baptismum, animum jam sponte volentis præparavit. Tum S. Remigius, a Regina secreto accersitus, quod S. Vedaſtus cœperat, perfecit. S. Pater! inquit Rex, quæ dicis mire animum meum afficiunt! interim ingens se offert obstaculum. Populus, qui mihi obedit, Deos suos nunquam deseret. Tamen ad concionem vocabo, & quæ suades, dicam. Ergo Fran-

Greg. c. 31.

vit. S. Ved.  
ap. Boll. 6.  
Febr.

Sæculum V. Francos coire in cœtus jubet; ecce vero! antequam Rex eloqueretur, Deo corda eorum convertente, omnes uno ore exclamare: *Rex! Deos mortales abjicimus, & Deum immortalem, quem Remigius prædicat, sequi decrevimus.* Itaque ad Regis, Francorumque Baptismum omnia parantur. S. Remigius, & S. Vedastus rudes instruebant, & juxta Canones aliquot dies jejunii, & Pœnitentiæ Baptizandis imperabant. Interim plures alii Episcopi ad hæc Solemnia Rhemos se contulerunt, & cum res tanta ad Festa Paschalia differenda Episcopis non videretur, in Die Nativitatis Domini peracta est.

*Hincm. vit.*  
*S. Rem. ap.*  
*Sur. 13.*  
*Jan.*

Plateæ a Regia usque ad Ecclesiam dependentibus Tapetibus ornatae erant, Ecclesiam odorati Cerei illustrabant, Baptisterium exquisitis incensis fumabat. Distinctis ordinibus in Ecclesiam itum, Clerici Cruces, & Evangelia deferebant, & cantabantur Litanæ. S. Remigius Clodoveum manu ducebat, Regina, & populo sequentibus. Dum ita procedunt, quæsit Rex: *Pater mi! anne hoc est Regnum Dei, quod mihi promittis?* Respondit Episcopus: *non est, sed viam ingredimur, ut illo perveniamus.* In ipso Baptismi actu dixit Sanctus ad Clodoveum: *flecte cervices superbe Sicamber! jamque adora, quod incendisti, & incende, quod*

*quod adorasti.* Deinde Albofledam Re-  
 gis Sororem baptizavit, & de Exercitu  
 virorum tria millia, id est, Francorum, seu  
 Militum tunc in Galliis per varias Statio-  
 nes disperforum. Haud diu supervixit  
 Albofleda, cumque Rex charæ Sororis  
 jacturam admodum doleret, S. Remigius  
 ad incoerentem litteras dedit, quibus con-  
 solatur, & credere jubet, defunctam ser-  
 vata Baptismi Gratia Coronam Virginum  
 recepisse. Lantildis altera Clodovei Sor-  
 sor, quæ in Hæresin Arianorum incide-  
 rat, tunc Fidem Catholicam professa Sa-  
 cro Chrysmate uncta, id est, confirmata  
 est. Rex baptizatus S. Remigio multos  
 in diversis Provinciis agros donavit, cu-  
 jus liberalitatem Francorum potentissimi  
 quisque pro facultatum suarum modo imi-  
 tati sunt. Has S. Remigius aliis Ecclesiis  
 distribuit, ne suspicari possent Franci,  
 ipsum lucri causa in convertenda hac  
 Gente allaborasse. Magnam illorum Bo-  
 norum partem dedit Ecclesiæ S. Mariæ in  
 Civitate Laodunensi, ubi educatus fue-  
 rat, & Episcopum constituit Genebal-  
 dum virum Nobilem in Sacris profanis-  
 que litteris doctum. Is S. Remigii Ne-  
 ptem uxorem duxerat, eamque relique-  
 rat, ut totum se Pietati daret. Hæc fuit  
 origo Episcopatus Laodunensis, antea ad  
 Dioccesin Rhemensem pertinentis. Clo-  
 doveus multas extruxit Ecclesias, locu-  
 pleta-

Sæculum V.  
 A. C. 496.

*Ep. Remig.*  
*to. 4. Conc.*  
*p. 1268.*

*Hincm. vit.*

Sæculum V. A.C. 496. Vit. S. Melan. ap. Boll. 6. Jan. pletavit alias, atque edita lege Subditos suos omnes ad amplectendam Religionem Catholicam invitavit. Is unicus sui ævi erat Princeps Catholicus. Anastasius quippe Imperator Eutychnianis favebat. Thrasamundus Rex Vandalorum in Africa, Theodoricus Rex Ostrogothorum in Italia, Alaricus Rex Visigothorum in Hispania, Gundebaldus Rex Burgundionum Arianae Hæresis labe infecti fuere.

to. 4. Conc. p. 1266. Epist. Avit. 41. S. Avitus Episcopus Viennensis datis ad Clodoveum Litteris Conversionem ad veram Fidem gratulatur, & præsertim, quod illa Die, qua Dominus Noster in carne natus est, ipse in Sacro fonte Baptismi renasci meritus sit. Precatur, ut optimus Deus tanti Regis opera Nationes remotas, nativæ ignorantia tenebris involutas, ad sui agnitionem adducat, & hortatur, ut Rex in hunc piissimum finem Legatos (\*) mittat. S. Avito hic de Gentibus Germaniæ trans Rhenum habitantibus sermo est.

## §. XLVII.

*Anastasius Papa ad Imperatorem scribit.*

Anastasius Papa sub Pontificatus sui initium

(\*) Herr Fleury hat das Wort: *Ambassadeur*. Das heisset bey unserm Uebersetzer: *Ein Missionarius*. Andere Fehler verschweige ich.